

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件广告宣传页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件广告宣传页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



近代中國史料叢刊第七十六輯

沈雲龍 主編

讀易草堂文集

辜鴻銘著

文海出版社  
有限公司印行

讀易草堂文集

---

讀易草堂文集

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>





敬  
頌

# 慶門辜鴻銘先生遺象



許世英題

## 辜鴻銘先生遺像





學術湛深

陳誠題



尊德性道問學

葉公超



序

鴻銘先生學博中西，通天下，早歲遊學歐  
美，精研各種文化科目，均能獨英，掇華，皆其秘  
奧，著為宏論，曾蒙後博士頭銜，達十三次之多，且  
為國增光，馳譽國際，曠古未有，詢足多也。迨歸  
國，傳專心講學，嘉化內純，身盈門數十年，一  
日更以特開從事著述，獨具隻眼，尤以用西文通譯  
之我國古籍多種，生解盡信，性達能事於中西  
文化交派之有，厥厥功甚偉，今歲值

先生百年冥壽，具文誌能以世元矣，原為硯出家  
藏珍稿，擬次第重刊，用之老久，遂字序於余，因嘉  
其孝思，予佩爰弁數言，略述梗概，就正於  
當世君子，務示景仰之意，云爾。

中華民國四十五年丙申初夏

王龍由序於台北



鴻銘先生名德頌者久為世重當其海外  
歸來潛所漢學客遊江湖間數十年專心  
講學以其餘閒從事剞劂經籍編譯羣  
籍藉紓懷抱中文而外著有歐文多種風行  
寰瀛一時紙貴茲值先生百歲生日其文孫  
能以世兄克承為硯爰出家藏稿冊次第重  
印以誌紀念孝思可嘉因世英曩與先生  
雅故知之較深屬為綴辭謹題數語以誌之

中華民國四十五年丙申初夏

許世英敬題



讀易草堂文集序

我國有醇儒曰辜鴻冥外部其早歲游學歐洲列邦博通別國方言及其政學其聲譽已藉甚及返國則反而求之我六經子史爽然曰道固在是無待旁求於是沈酣寢饋其中積有歲年學以大成然世之稱君者願在彼而不在此羣然誦之曰是固精於別國方言遂於西學西政者也南皮張文襄公總制兩湖能養士天下之士歸之如水就壑亟招君置左右亦第稱之曰是精於別國方言遂於西學西政者也故客幕下久溫溫無所試及庚子都門亂作 乘輿播遷國事危急君乃以

歐文撰尊王篇歐人爭傳誦當時爲之紙貴外患以紆  
於是世乃稍稍知君儒術各省大吏爭相羅致然其所  
以重君者則仍在彼而不在此第以備外交緩急已耳  
予以光緒己亥始識君值甲午戰後海內士夫憤於積  
弱競謀變法以致強相見輒抵掌論天下事汲汲如飲  
狂藥而君則獨靜謐言必則古昔稱先王或爲諧語以  
諷世子灑然異之庚子客鄂中則君方設義塾日以儒  
先之言訓童穉益重君不同流俗然尙未深知君也及  
光宣間備官京師再相見於春明君憂世亂之日岐乃  
條陳時政得失請執政代奏文累五千言探索根元洞

見癥結予受而讀之竊以爲賈長沙復生不能過是蓋  
天下之至文沈疴之藥石曩者知君固未盡也而當道  
顧不之省第以君爲精於別國方言邃於西政西學其  
茫昧如初君言旣不用遂坐致陸沈予避地海東與君  
睽者垂十年及返國重相見則當歐戰後矣世亂乃愈  
急君則年愈高遇愈窮而氣愈壯日以歐文倡導綱常  
名教以發蒙振愚每一文出各國爭相移譯於時歐人  
鑒於戰禍又習聞君之言始恍然於富強之不足以圖  
治而三千年之東方文化乃駸駸有西被之勢君之學  
曩不得申於宗邦者今且將行之於世界列國乃知天



之生君將以爲衛道之干城警世之本鐸其否泰通塞固不僅繫於一人一國已也今年春君以所箸讀易草堂文集徵序於予予旣爲選其尤醇雅者十四篇爲內外篇爰弁語於簡端俾世之讀此編者知君爲當世之醇儒君之文乃天下之至文沈疴之藥石非尋常學者可等類齊觀者也至君論事於二十年以前而一一驗於二十年後有如著龜此孔子所謂百世可知益以見其學其識洞明無爽子稱之爲醇儒之非誣也壬戌十一月土虞羅振玉書

讀易草堂文集內篇

廈門辜湯生

上 德宗皇帝書

上張制軍書

尊王篇釋疑解禍論

義利辨

廣學解

蒙養弦歌序

正氣集序

上 德宗景皇帝條陳時事書

具呈外務部員外郎辜湯生爲應 詔陳言呈請代奏

事竊謂內政宜申成憲以存綱紀而固邦本外事宜定  
規制以責功實而振國勢近日獻榮陳事者皆以爲中  
國處今日之時勢若不變通舊制則無以立國然草野  
之愚以爲國之所以不立者或由外患之所迫或由內  
政之不修獨是外患之憂猶可以爲計若內政不修則  
未有能立國者也惟修內政在存綱紀夫制度者所以  
輔立綱紀也蓋凡所以經邦治國定之者謂之制行之  
者謂之政行政若無定制則人人可以行其私意若旣  
有定制則雖人君亦未便專行己意故制度者非特以  
條理庶事亦所以杜絕人欲杜絕人欲卽所以存綱紀

也今制度若屢行更易則綱紀必損綱紀既損邦本必壞邦本既壞又何以能立國耶昔唐太宗指殿屋謂侍臣曰治天下如建此屋營構既成勿數更易若易一椽正一瓦踐履動搖必有所損若慕奇功變法度不恒其德勞擾實多蓋言法度之不可輕改也然法度亦有時不可不變也昔漢承秦統制度多用秦法夫秦立國於羣雄相爭之際而創制於海內未定之時法固多簡陋偏刻致以病民害治故當是時賢如董仲舒亦有改絃易轍之請此乃立法不善故有不可不變也逮有宋之世歐陽修對仁宗言謂今日朝廷有三大弊一曰不謹

號令二曰不明賞罰三曰不責功實三弊因循於上則萬事廢壞於下也及後王安石用事不務去此三弊而徒事變法而致綱紀紊亂宋祚以亡此則行法不實而非立法不善故徒改法度適足以滋擾亂耳若今日我國家之制度其規模雖取法於前明而體制實徵驗於往代歷今已千百餘年矣分目細條或須隨時刪定而大綱要領豈有不足爲治者哉職幼年遊學西洋歷英德法三國十有一年習其語言文字因得觀其經邦治國之大略竊謂西洋列邦本以封建立國逮至百年以來風氣始開封建漸廢列邦無所統屬互相爭強民

俗奢靡綱紀寢亂猶似我中國春秋戰國之時勢也故凡經邦治國尙無定制卽其設官規模亦猶簡陋不備如德法近年始立刑禮二部而英至今猶未置也至其所以行法施政猶多偏駁繁擾如商入議院則政歸富人民立報館則處士橫議官設警察則以匪待民訟請律師則吏弄刀筆諸如此類皆其一時習俗之流弊而實非治體之正大也每見彼都有學識之士談及立法之流弊無不以爲殷憂惟獨怪今日我中國士大夫不知西洋亂政所由來徒慕其奢靡遂致朝野皆倡言行西法興新政一國若狂在朝諸臣又不知清靜無擾

爲經國之大體或隨聲附和或雖心知其不便又不明辨其所以不便遂致近日各省督撫多有借西法新政名目以任其意之所欲爲而置民苦民怨於不問也詩曰民亦勞止汙可小康又曰無從詭隨以謹無良蓋今日民實不欲新法新政而彼好大喜功之督撫遇事攬權之劣紳欲藉此以徼名利耳至若西洋所創制器之法如電報輪船鐵路等事此雖未嘗無利於民生日用之事且勢至今日我中國又不能不漸次仿行舉辦然天下事利之所在害亦將隨之耳故凡興辦此等事又不可不嚴定限制也蓋自中古以降生民風氣日開其

於日用生計之謀固非若上古屯晦純樸必待上之人  
纖悉教詔之也彼其智巧溢而貪競滋苟利之所在雖  
立法禁限之猶且不能若其熟視而莫肯趨者則必俗  
之所不便與其力之所不贍焉上之人且嗷嗷焉朝下  
一令曰爲爾開學堂暮下一令曰爲爾興商務彼民者  
未見絲髮加益於吾事而徒見符檄之驚惶徵斂之無  
已房捐米捐酒捐糖捐日加月增而民已無聊生矣孔  
子曰惠而不費又曰因民之所利而利之夫今之民之  
所欲者欲得政之平耳政苟得其平則百利自興矣然  
政之所以不得其平者非患無新法而患不守法耳蓋



近日凡百庶政之所以不得其理者其病由乎行內政則不守舊法而辦外事又無定章可守所謂外事者非僅指交涉一事卽近日凡謂洋務如製造電報鐵路礦務等事皆爲外事也然內政舊法之所以廢弛不守者亦皆因辦理外事之漫無定章也推原其所由來固非一朝一夕之故耳請爲我

皇太后

皇上略

陳之伏維我中國自弛海禁以來天下多故咸豐五年髮匪起於粵西前督臣曾國藩奉命督兵平寇當是時匪踪蔓延十三省大局糜爛故朝廷不得不畀以重權命爲欽差大臣凡軍國大事雖具文關白而實皆得

以便宜行事自是而後天下遂成爲內輕外重之勢然該督臣曾國藩秉性忠貞學術純粹能明大體故天下大小臣工聽其號召猶能各矢忠誠同心翊戴盡瘁馳驅是以卒成大功河山重奠及前督臣李鴻章爲北洋大臣適值中外交訐外患孔亟故凡辦理外事 朝廷仍不得不畀以重權一若前督臣曾國藩督軍之時由此以來北洋權勢愈重幾與日本幕府專政之時不相上下故當時言及洋務中外幾知有李鴻章而不知有朝廷也且該督臣李鴻章品學行誼不如曾國藩之純粹故德望不能感服人心號召天下是以甲午之役

天下解心一敗幾不可收拾北洋既敗而各省督撫亦遂爭言辦理洋務則雖動支百萬金而度支不敢過問雖招致私人聲勢震一省而吏部或有不知其誰何者矣此皆辦理外事漫無定章之所由來也人見辦理外事既無定章可守遂漸視內政之舊法亦可不必守也如此故人人各得徇其私意此上下綱紀所以廢弛以致庶事不理民生日苦而國勢日蹙以至於今日也竊維今日如欲振興國勢則必自整理庶政始欲整理庶政則必自分別內政外事始內政宜申明成憲外事應通籌全局而定立規制也今爲分別內政外事擬請先

降 明詔特諭各省督撫凡關吾民內政之事不准輕  
改舊章創行西法新政當此民生凋敝之時凡百設施  
當以與民無擾爲主務去其害人者而已至今日時勢  
所不得不辦之事如練兵設專門學堂興製造及各種  
凡用西法之事必俟 朝廷通籌熟議定立規制特降  
諭旨指省飭辦始准恪遵所定規制舉行辦理如未  
奉此 旨以前業已舉辦能停止者卽行停止若勢實  
未便卽行停止者則不准擴充並將現辦情形奏明請  
旨定奪似此省事安民卽有職牧民之官亦可以專  
心地方民事也至於申明成憲擬請 特諭軍機大臣

會同各部院大臣並酌選久於外任有學識之大小人  
員隨同辦理將該部現行事例澈底推究據實釐定務  
使簡明易行其法涉於苛細者熟議而酌除之其事蹟  
相同輕重迥異多設條目致使胥吏得借法爲奸者一  
切刪去然後奏明定爲令甲分別綱目刊成簡明善本  
頒行天下似此成憲申明則綱紀立而庶事可以得其  
理矣臣所謂內政宜申成憲以存綱紀而固邦本者此  
也至若辦理外務先應統籌全局竊謂中外之所以多  
齟齬致啟釁端者皆因我內政之不修或號令之不謹  
或用人之不慎以致內地民情不安外人亦以爲口實

也然我中國內政不修之所由來又因自弛海禁以後  
國家惟日汲汲於防外患而無餘力顧及內政也故  
欲治內政又不能不先使 國家無外患之憂也惟近  
日 國家愈汲汲於防外患而外患日益孔亟者此其  
故無他皆因所以防外患者未得其肯要耳夫治外患  
猶治水然若徒爲堵禦之防而不設疏通之法愈積愈  
不可防一旦決隄而溢其害尤甚於無防也卽如庚子  
之禍亦多因中外情太隔膜以致彼此猜忌積嫌久而  
不能通遂如兩電相激一發而不可收拾庚子之禍誠  
有如當時 諭旨所云彼此辦理不善也夫今日中國

所以不得不仿行西法者皆欲以防外患耳而所以防禦外患者惟在修邦交與講武備兩事爲最緊要然職之愚以爲今日 國家之安危關係全在乎 朝廷廟算熟計修邦交與講武備孰爲輕重孰爲緩急孰應先後而早定國是以輯天下之民志而安中外之人心也昔我 朝睿親王致故明史可法書有曰輓近士大夫好高樹名義而不顧國家之急每有大事輒同築舍昔宋人議論未定兵已渡河可爲殷鑒竊維今日我中國自甲午庚子以來士大夫皆多忿激每言爲國雪恥遂致 朝廷近日亦以籌餉練兵爲急務然臣之愚誠恐

此猶非計之得者也昔韓安國對漢武帝曰高皇帝嘗困於平城七日不食及解圍反位而無忿怒之心聖人以天下爲度者也不以己私怒傷天下之功也蓋彼卧薪嘗膽之論猶是當時戰國列邦之陋習而非我帝王治天下之大度也且我中國今日民生凋敝士氣不振若不體量民力一意汲汲於籌餉練兵慕奇功求速效職之愚誠恐此非特不足以禦外患而且必重傷民生適足以致內亂耳古人有言兵猶火不戢將自焚也即使我今日所練之兵固有奇效若我不修邦交之道則彼聯我孤彼衆我寡我或猶可以敵其一國試問能敵



其眾國耶故臣之愚以爲今日與其積力以防外患而  
外患未去內患已可虞不如節兵費以裕民生以治內  
政以修邦交而外患要無不可以銷也國固不可以忘  
戎惟今日 國家於戎政當以作士教禮爲先而不可  
以練兵集師爲重合無仰懇我 皇太后 皇  
上特降 明詔通諭中外謂我 國家設戎政爲誅暴  
安良原以保民爲主今日重修戎政亦爲久遠之計而  
非因欲與外人爲仇也且當此民生凋敝之日所應辦  
者亦惟在定軍制振士氣而已至營伍兵額除 京衛  
重地之外各直省應設之兵當嚴立限制使僅足以存